



**ДАРХАН-УУЛ АЙМАГ ДАХЬ
ТӨРИЙН АУДИТЫН ГАЗАР**

Бурхантын гудамж-1, 14 дүгээр баг, Дархан сум,
Дархан-Уул аймаг, 45059,
Утас: 7037-3089, Факс: (976) 7037-3089
Цахим шуудан: darkhanuul@audit.gov.mn
Цахим хуудас: www.audit.mn

᠒᠐24.07.04 № 291

танай _____-ны № _____-т

Сонгуулийн мөрийн хөтөлбөр хуульд
заасан шаардлагад нийцсэн талаарх дүгнэлт

Төрийн аудитын тухай хуулийн 6 дугаар зүйл, Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хуулийн 37 дугаар зүйлийн 37.5, Хөгжлийн бодлого, төлөвлөлт, түүний удирдлагын тухай хуулийн 5.4-т заасан Төрийн аудитын байгууллагын бүрэн эрхийн хүрээнд орон нутгийн Хурлын 2024 оны ээлжит сонгуульд оролцох “Монголын либерал ардчилсан нам”-ын сонгуулийн мөрийн хөтөлбөрийг хянаж, дүгнэлт гаргалаа.

Үүрэг хариуцлагын талаарх мэдээлэл

Орон нутгийн Хурлын 2024 оны ээлжит сонгуульд оролцох нам, эвсэл болон бие даан нэр дэвшигч нь сонгуулийн мөрийн хөтөлбөрөө Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичигт нийцүүлэн боловсруулж, санхүүгийн тодорхой эх үүсвэр шаардсан зорилт, арга хэмжээг хэрэгжүүлэхэд шаардагдах зардлын талаарх тооцоо, судалгааг гарган хуульд заасны дагуу дүгнэлт гаргуулах үүрэг хүлээнэ.

Сонгуулийн мөрийн хөтөлбөрийн дүгнэлтийн үндэслэл

Төрийн аудитын байгууллага нь орон нутгийн Хурлын 2024 оны ээлжит сонгуульд оролцох “Монголын либерал ардчилсан нам”-ын сонгуулийн мөрийн хөтөлбөрийг хянан үзэхдээ Төрийн аудит MNS 6817-1:2020 Төрийн аудит, Тулгуур зарчим, MNS 6817-6:2020 Төрийн аудит, Нийцлийн аудитын зарчим, MNS 6817-8:2020 Төрийн аудит, Нийцлийн аудит стандартыг удирдлага болгон Аймаг, нийслэл, сум, дүүргийн иргэдийн Төлөөлөгчдийн Хурлын сонгуулийн тухай хууль, Төсвийн тогтвортой байдлын тухай хууль, Хөгжлийн бодлого, төлөвлөлт, түүний удирдлагын тухай хууль болон Монгол Улсын Үндэсний аюулгүй байдлын үзэл баримтлал, "Алсын хараа-2050" Монгол Улсын урт хугацааны хөгжлийн бодлого, УИХ-аас баталсан хөгжлийн бодлого, төлөвлөлтийн баримт бичиг, Монгол Улсын нэгдсэн төсвийн 2024 оны төсвийн хүрээний мэдэгдэл, 2025-2026 оны төсвийн төсөөллийн тухай хууль, холбогдох байгууллагаас авсан тайлан, судалгаа, мэдээллийг тус тус шалгуур болгон авч үзсэн.

Дүгнэлт

“Монголын либерал ардчилсан нам”-ын орон нутгийн Хурлын 2024 оны ээлжит сонгуульд оролцохоор ирүүлсэн сонгуулийн мөрийн хөтөлбөрт тусгасан зорилт, арга хэмжээ нь Аймаг, нийслэл, сум, дүүргийн иргэдийн Төлөөлөгчдийн Хурлын ээлжит сонгуулийн тухай хуулийн 37 дугаар зүйлийн 37.3 дахь хэсэг, Хөгжлийн бодлого, төлөвлөлт, түүний удирдлагын тухай хуулийн 5 дугаар зүйлийн 5.3 дахь хэсэг, Төсвийн тогтвортой байдлын тухай хуульд заасан тусгай шаардлагад тус тус нийцсэн байна.

“Монголын либерал ардчилсан нам”-ын мөрийн хөтөлбөр (..... хуудас)-ийг хавсаргав.

Хувийг: “Монголын либерал ардчилсан нам”-д

ДАРГА, ТЭРГҮҮЛЭХ АУДИТОР /Ш.МӨНХБАЯР/





МОНГОЛЫН ЛИБЕРАЛ АРДЧИЛСАН НАМ-аас

Дархан-Уул Аймгийн Иргэдийн Төлөөлөгчдийн хурлын
2024 оны сонгуульд дэвшүүлж буй

“Мөрийн Хөтөлбөр”

Нэг. Цар тахлын дараах аймаг

Хоёр. Амьдрахад таатай аймаг

Гурав. Солонгорсон эдийн засаг

Дөрөв. Тэгш боломжийг хүн бүрт

Тав. Аймагтаа сайхан амьдарцгаая.


Дархан-Уул аймаг
2024 он

Нэг. Цар тахлын дараах аймаг

- 1.1 Цар тахлын үеийн удирдлагад ил тод нээлттэй үнэлгээ хийж, хариуцлага тооцно.
- 1.1.1 Цар тахлын үеийн удирдлагын үр дүнтэй байдалд үнэлгээ хийж, онцгой үеийн удирдлагын арга зүйг боловсронгуй болгоно.
- 1.1.2 Цар тахлын үед эрүүл мэндийн салбарт тулгарсан саад бэрхшээлийг үнэлж, шаардлагатай арга хэмжээг авна.

- 1.2 Цар тахлаас үүдэлтэй эдийн засгийн хямрал, ажилгүйдлийг бууруулна.
- 1.2.1 Бичил бизнес эрхлэгчдийг дэмжих хөтөлбөрийг олон улсын жишигт нийцүүлэн зохион байгуулна.

- 1.3 Цар тахлаас үүдэлтэй боловсролын доголдлыг залруулна.
- 1.3.1 Багш нарт зориулсан хөгжлийн дунд хугацааны бодлогыг санаачилж, өөрийгөө хөгжүүлэх боломжийг нэмэгдүүлнэ.
- 1.3.2 Цахим сургалтаас үүдэлтэй сургалтын хоцрогдлыг арилгах шат дараатай арга хэмжээг санаачилж ажиллана.



A handwritten signature in black ink, located at the bottom right of the page.

Хоёр. Амьдрахад таатай аймаг

2.1 Гэр хорооллыг орон сууцжуулах, аятай таатай амьдралыг дэмжих үйл явцыг эрчимжүүлнэ.

2.1.1 Ипотекийн зээлийн үйл ажиллагааг хүртээмжтэй болгоно.

2.1.2 Гэр хорооллын дэд бүтцийг амжиргаандаа тохирсон аргаар аятай тухтай, утаагүй, бохирдолгүй амьдрах нөхцөл, боломжуудыг судалж шинээр олон шатлалын стандартыг нутагшуулна.

2.2 Хөдөлмөр эрхлэх боломжийг нэмэгдүүлнэ.

● 2.2.1 Хүүхэд харах үйлчилгээ, цэцэрлэгийн хүртээмжийг нэмэгдүүлж, залуу эцэг эхчүүдийг хөдөлмөр эрхлэх боломжоор хангана.

2.2.2 Хөдөлмөрийн зах зээл дээрх эрэлт нийлүүлэлтийг тэнцвэржүүлэх шинэлэг аргыг судлан нэвтрүүлж, цалин хөлсийн тогтвортой байдлыг хадгалах хөтөлбөрийг хэрэгжүүлнэ.

2.3 Ахмадуудын аятай таатай амьдрах нөхцлийг бүрдүүлнэ.

● 2.3.1 Ахмад насандаа идэвхтэй, эрүүл амьдрахад зориулсан хөтөлбөр санаачилж хэрэгжүүлнэ.

2.4 Залуучуудын хөгжлийг дэмжинэ.

2.4.1 Залуучуудын сэтгэцийн эрүүл мэндийг дэмжих, сэтгэл зүйн үйлчилгээг сайжруулах хөтөлбөр хэрэгжүүлнэ.



Гурав. Солонгорсон эдийн засгийг хөгжүүлэх

3.1 Дэд бүтцийн хөрөнгө оруулалтыг нэмэгдүүлнэ.

3.1.1 Нийтийн тээвэр, эрчим хүч, ундны ус, дижитал дэд бүтэц зэрэг иргэдийн нийтлэг эрх ашигт нийцсэн дэд бүтцийн хөрөнгө оруулалтын хэмжээг нэмэгдүүлнэ.

3.1.2 Үер, зуд зэрэг байгалийн гамшгийг даван туулах, учирсан хохирлыг нөхөн сэргээхэд зориулагдсан дэд бүтцийг хөгжүүлнэ.

3.2 Жижиг бизнес эрхлэгчид болон энтрпренеруудыг дэмжих эко систем бүрдүүлнэ.

3.2.1 Шинээр бизнес эрхлэгчдэд зориулсан салбар тус бүрийн чадавхжуулах сургалтыг тогтмол зохион байгуулж, төрийн байгууллагаас шинээр үйл ажиллагааг эхлүүлэхэд шаардагдах шат дамжлагыг хялбаршуулж ажиллана.

3.2.2 Төрийн хүнд суртлыг бууруулж, бизнес эрхлэгчдэд ирэх төрөл бүрийн дарамтыг бууруулна.

3.3 Хөдөлмөрийн зах зээлийн хөгжлийг бий болгоно.

3.3.1 Мэргэжлийн боловсролын хөтөлбөрүүдийг шинэ зууны технологи, эдийн засгийн нөхцөл байдалд тохируулж шинэчлэх ажлыг эхлүүлнэ.

3.3.2 Хөдөлмөрийн зах зээлийн эрэлтийн судалгааг ажил олгогчид, үйлдвэрлэгчид, шинжлэх ухааны байгууллагуудтай хамтран хэрэгжүүлж, боловсролын шинэчлэлд саналуудыг тусгаж ажиллана.

3.4 Ил тод, хариуцлагатай төсвийн зарцуулалт

3.4.1 Урт хугацааны төсвийн тогтвортой байдлыг дэмжсэн төсвийн бодлого баримталж ажиллана.

Дөрөв. Тэгш боломжийг хүн бүрт

4.1 Боловсролын тэгш боломжийг бүрдүүлнэ.

4.1.1 Улсын сургуулийн сургалтын чанарт анхаарч, чанартай боловсролыг хүүхэд бүрт олгох боломжийг бүрдүүлнэ.

4.1.2 Сургуулийн өмнөх боловсролын чанарыг сайжруулж, насан туршийн боловсролын суурь мэдлэг олгоход анхаарна.

4.1.3 Боловсролын зээл, тэтгэлэгт хөтөлбөрүүдийг дэмжих замаар өсөх ирээдүйтэй боловсон хүчнүүдийн боловсрол эзэмших боломжийг дэмжинэ.

4.2 Эдийн засгийн тэгш боломжийг бүрдүүлнэ.

4.2.1 Гарааны бизнес эрхлэгчдийн бий болгосон ажил, үйлчилгээтэй уялдуулсан хөгжүүлэлт, сургалтын тогтолцоог нутагшуулна.

4.3 Нийгмийн шударга ёсыг дэмжинэ.

4.3.1 Эрх нь зөрчигдсөн, маргинал бүлгүүдийн хүний эрхийг сэргээх, хамгаалах тогтолцоог дэмжиж ажиллана.

4.3.2 Хууль тогтоомжуудын хэрэгжилтэд үнэлгээ хийж, хүн нас, хүйс, бэлгийн чиг баримжаа, шашин шүтлэг, хөгжлийн бэрхшээл зэргээсээ хамаарч эрх нь зөрчигдөхөөс сэргийлж, хөндөгдсөн эрхийг сэргээн эдлүүлэхэд анхаарч ажиллана.



A handwritten signature in black ink, consisting of several loops and strokes.

Тав. Аймагтаа үлдэж, сайхан амьдарцгаая

5.1 Дээд боловсролын шинэчлэлийг эхлүүлж, эх орондоо чанартай боловсрол эзэмших нөхцлийг бүрдүүлнэ.

5.1.1 Их дээд сургуулийн чанар, чансааг нэмэгдүүлэх үүднээс боловсролын шалгуур үзүүлэлтийг сайжруулах, гадаад хамтын ажиллагааг дэмжиж аймагтаа чанартай дээд боловсрол эзэмшдэг байх нөхцлийг бүрдүүлнэ.

5.1.2 Шинжлэх ухааны тэргүүлэх зорилт бүхий төслүүдийг олон улсын байгууллага, хувийн хэвшлийн байгууллагын хамтын ажиллагааны хүрээнд хурдтай хөгжүүлэх төвүүдийг байгуулна.

5.2 Аймагтаа ажиллах, мэргэжлийн ур чадвараа хөгжүүлдэг байх нөхцлийг бүрдүүлнэ.

5.2.1 Технологи, сэргээгдэх эрчим хүч зэрэг нарийн мэргэжлийн үйлдвэрлэлүүдийг дэмжих замаар, чадварлаг боловсон хүчнүүдээ аймагтаа ажиллаж, амьдрах нөхцлийг бүрдүүлнэ.

5.2.2 Мэргэжлийн сургалтын чанарыг сайжруулж, хөдөлмөрийн зах зээлийн импорт, экспортын харьцааг аймагтаа ээлтэй байлгахад анхаарч ажиллана.

5.3 Амьдралын чанарыг сайжруулах, аятай таатай амьдрах орчныг сайжруулна.

5.3.1 Төрийн үйлчилгээг чанартай хүртээмжтэй, хүнд сурталгүй болгох үйл явцыг хурдасгана.

5.3.2 Ажил, хувийн амьдралын тэнцвэрийг хангахад анхаарч, уян хатан ажлын цаг, гэр бүлд ээлтэй амьдралын хэв маягийг бий болгоход төрийн бодлогыг чиглүүлнэ.

